



Republika e Kosovës
Republika Kosova-Republic of Kosovo
Qeveria –Vlada-Government

Ministria e Tregtisë dhe Industrisë-Ministarstvo Trgovine i Industrije-Ministry of Trade and Industry
Agjencia për Investime dhe Përkrahjen e Ndërmarrjeve në Kosovë (KIESA)
Agencija za Investicije i Podršku Preduzeča na Kosovu (KIESA)
Kosovo Investment and Enterprise Support Agency (KIESA)

Me qëllim të zvogëlimit të deficitit tregtar dhe përmirësimit të kapaciteteve prodhuese të ndërmarrjeve mikro, të vogla dhe të mesme (NMVM), rritjen e investimeve, eksportit, konkurrueshmërisë dhe hapjen e vendeve të reja të punës, Ministria e Tregtisë dhe Industrisë (MTI) përmes Agjencisë për Investime dhe Përkrahjen e Ndërmarrjeve në Kosovë (KIESA) shpallë:

Thirrje publike për subvencionim të bizneseve për certifikim të produktit

Bazuar në Udhëzimin Administrativ MTI nr. 01/2018 për ndarjen e mjeteve financiare nga kategoria ekonomike e subvencioneve dhe transfereve si dhe projektin “Kupon për certifikimin e produkteve” shpallet thirrje e hapur për përkrahjen e ndërmarrjeve mikro, të vogla dhe të mesme për certifikimin e produkteve. Vlera totale e subvencionimit për këtë projekt për vitin 2018 është e planifikuar të jetë 30,000.00 EUR.

MTI-KIESA do të mbështes në subvencionim të certifikimit të produkteve ndërmarrjet në sektorin: **a)** ndërtimtarisë - materialet ndërtimore, **b)** përpunimit të metalit, **c)** përpunimit të drurit dhe mobilierisë dhe **ç)** lifteve.

Vlerësimi i aplikacioneve për ndarjen e mjeteve nga kategoria ekonomike subvencione dhe transfereve do të bëhet sipas UA MTI 01/2018.

Aplikuesi i cili aplikon për subvencione dhe transfere në Ministri, duhet të jetë i regjistruar në Republikën e Kosovës.

1. Dokumentet e nevojshme që obligoheni t'i bashkëngjisni aplikacionit tuaj:

- 1.1. Aplikacionin e plotësuar më të dhënat bazike të subjektit aplikues (*shkarko në ueb*);
- 1.2. Deklaratën nën betim (*shkarko në ueb*)
- 1.3. Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikë e Kosovës;
- 1.4. Certifikatën e numrit fiskal (nuk aplikohet për bizneset të cilat numrin e regjistrimit të biznesit dhe numrin fiskal e kanë në një Certifikatë);



- 1.5. Vërtetim tatimor me të cilën vërtetohet se aplikuesi nuk ka borxhe aktuale tatimore të pashlyera apo obligime tjera tatimore, ose është në marrëveshje për shlyerjen e borxhit me ATK;
 - 1.6. Kopjen e letërnjoftimit të personit/ve në emër të cilit/ve është i regjistruar Aplikuesi;
 - 1.7. Dëshmi nga aplikuesi se nuk është në falimentim ose nën administrim të dhunshëm gjyqësor të lëshuar nga Gjykata Themelore – kërkohet origjinali, jo më i vjetër se 30 ditë;
 - 1.8. Dëshminë e xhirollogarisë aktive të aplikuesit në njërin prej bankave të licencuara nga Banka Qendrore e Kosovë;
 - 1.9. Gjendjen e xhirollogarisë bankare të aplikuesit për vitin e fundit. Për aplikuesin e sapo themeluar kjo nuk është e aplikueshme;
 - 1.10. Projekt-Propozimin që përfshin: qëllimin, aktivitetet e projektit, koston financiare si dhe planin kohor të realizimit të projektit, dhe strukturën organizative të aplikuesit;
 - 1.11. Të mos ketë pranuar mjete nga burimet tjera të financimit për të njëjtat aktivitetet, (të dëshmuar me deklaratën nën betim);
 - 1.12. Të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit nga MTI për dy vitet e fundit, (të dëshmuar me deklaratën nën betim).
2. Në mënyrë që aplikacioni të konsiderohet i kompletuar, aplikuesi duhet të plotësoj edhe kriteret e veçanta të parapara me dispozitat në vijim:
- 2.1. Të jetë ndërmarrje mikro (të punësuar deri 9 punëtorë), ndërmarrje e vogël (10 deri 49 punëtorë) dhe ndërmarrje e mesme (50 deri 249 punëtorë);
 - Dëshmia për numrin e punëtorëve duhet të jetë nga ATK-ja për vitin 2017.
 - 2.2. Ndërmarrja aplikuese duhet të jetë e certifikuar me ISO 9001.
 - Certifikata duhet të jetë valide dhe e njohur ndërkombëtarisht dhe të dorëzohet kopje e certifikatës së bashku me dokumentacionin përkatës;
 - 2.3. Ndërmarrja duhet të dorëzojë pro faturën ose kontratën të cilën e ka marrë nga ndonjë organ akreditues që do të bëjë certifikimin e produktit*

**Vërejtje: Trupi certifikues duhet të jetë i akredituar nga një trup akreditues i njohur ndërkombëtarisht.*

Ju lutem, vini re se në mungesë të dokumenteve të kërkuara në listën e mësipërme, aplikacioni i subjektit aplikues do të diskualifikohet dhe nuk do të shqyrtohet tutje.

Mënyra e subvencionimit:

Subvencionimi për certifikim të produktit do të jetë 75% e koston së certifikatës së certifikimit të produktit ose në vlerë maksimale të subvencionimit deri në 10,000.00 EUR. Rimbursimi do të bëhet nëse biznesi arrin të certifikoj produktin dhe dorëzoj dokumentet në bazë të marrëveshjes (faturën e shpenzimeve dhe certifikatën e certifikimit të produktit) deri më datën 30.11.2018.



Periudha e aplikimit:

Njoftimi për thirrje publike është i publikuar në ueb faqen e Ministrisë së Tregtisë dhe Industrisë mti.rks-gov.net dhe kiesa.rks-gov.net. Subjektet që dëshirojnë të aplikojnë sipas thirrjes publike duhet të shprehin interesimin e tyre duke dorëzuar të gjithë dokumentacionin në zyrën e arkivit të Ministrisë në formë fizike dhe në CD, në Ministrinë e Tregtisë dhe Industrisë, Rr. Muharrem Fejza, Lagjja e Spitalit, p. n. Prishtinë, 10000, Republika e Kosovës .

Afati i fundit për shprehje të interesit është deri më datë **25.07.2018 në orën 16:00**. Aplikimet pas afatit kohor nuk do të merren parasysh.

Sqarim: Aplikacionet do të vlerësohen me radhë sipas datës së aplikimit dhe numrit të protokollit dhe në momentin kur mjetet në dispozicion shpenzohen në tërësi, aplikacionet e mbetura do të refuzohen për subvencionim, andaj ju inkurajojmë që sa më parë të aplikoni.

Në momentin e aplikimit subjekti pranon të gjitha përgjegjësitë, obligimet, kriteret dhe detyrat e parapara me UA MTI 01/2018 dhe kriteret e veçanta të parapara në këtë thirrje publike.

Informata dhe sqarime shtesë mund të merren përmes postës elektronike në: sme.kiesa@rks-gov.net ose info.kiesa@rks-gov.net konform U.A.01/2018, por jo më vonë se pesë (5) ditë para mbylljes së thirrjes publike.